



REPUBLIKA E SHQIPËRISË
KOMISIONI I PROKURIMIT PUBLIK

Nr. 959/ 7 prot.

Datë 11.05.2026

V E N D I M
Nr. 625/2026

Komisioni i Prokurimit Publik, i përbërë nga:

Fiorent Zguro	Nënkryetar
Anila Malaj	Anëtare
Kreshnik Ternova	Anëtar

Në mbledhjen e datës 11.05.2026 me

Objekt: “Ekspertizë teknike e posaçme, për përlogaritjen në vlerën minimale dhe maksimale të fondit limit për procedurën e prokurimit, “E hapur, e thjeshtuar”, me Nr. REF-78133-03-04-2026, me objekt “Mbikqyrja e punimeve të ndertimit me objekt Ndertimi i Ura Mamzotaj” me fond limit: 1,420,675.60 (një milion e katërqind e njëzetë mijë e gjashtëqind e shtatëdhjetë e pesë presje gjashtëdhjetë) lekë pa TVSH, zhvilluar në datën 17.03.2026 nga autoriteti kontraktor, Bashkia Kavajë.

Subjekte të interesuar: Bashkia Kavajë
Adresa: Bulevardi "Josif Budo", Kavajë.

Operatori ekonomik “G B Civil Engineering” SHPK, me NIPT L51825011V dhe adresë Rruga e Kavajës, ish-Parku, pranë "Tregut 100 Vitrinat", Kulla C, Shkalle 2, Tiranë.

Baza Ligjore: Ligji nr. 162/2020 “Për Prokurimin Publik”, i ndryshuar, Ligji nr.44/2015 “Kodi i Procedurave Administrative i Republikës së Shqipërisë”, Ligji Nr. 8116, datë 29.3.1996 “Kodi i Procedurës Civile i Republikës së Shqipërisë” i ndryshuar, Vendimi i Këshillit të Ministrave nr. 285, datë 19.05.2021 “Për miratimin e rregullave të prokurimit publik” i

ndryshuar, Vendimi i Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik.

Komisioni i Prokurimit Publik, pasi shqyrtoi informacionin e paraqitur

Vëren:

I

I.1. Në datën 05.03.2026, është publikuar nga autoriteti kontraktor, procedura e prokurimit “E hapur, e thjeshtuar”, me Nr. REF-78133-03-04-2026, me objekt “Mbikqyrja e punimeve te ndertimit me objekt Ndertimi i Ura Mamzotaj” me fond limit: 1,420,675.60 (një million e katërqind e njëzetë mijë e gjashtëqind e shtatëdhjetë e pesë presje gjashtëdhjetë) lekë pa TVSH, zhvilluar në datën 17.03.2026 nga autoriteti kontraktor, Bashkia Kavajë.

I.2. Në datën 17.03.2026, autoriteti kontraktor ka zhvilluar procedurën e prokurimit.

II.3. Në datën 26.03.2026, autoriteti kontraktor ka njoftuar operatorët ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e vlerësimit të Komisionit të Vlerësimit të Ofertave, të cilët kanë paraqitur ofertat ekonomike (pa TVSH), përkatësisht:

1. BOE AEG-Consulting shpk & ZENIT&CO shpk	1,358,782.1	I kualifikuar
2. BN PROJECT shpk	1,289,872.8	I skualifikuar
3. G B Civil Engineering shpk	1,291,208.07	I skualifikuar
4. INFRATECH shpk	1,290,626	I skualifikuar
5. MAGNA CHARTA shpk	1,290,625.6	I skualifikuar

G B Civil Engineering shpk është skualifikuar nga autoriteti kontraktor me arsyen se:

“Bazuar ne nenin 7 te VKM nr.354 date 11.05.2016 "Manuali I tarifave per sherbimet ne planifikim territori, projektim, mbikeqyrje dhe kolaudim" vlera e ofertuar nga operatori ekonomik eshte nen vleren e tarifes minimale, të përcaktuara në këtë manual”.

I.4. Në datën 27.03.2026, autoriteti kontraktor ka publikuar në SPE Njoftimin e Fituesit Paraparak për procedurën e prokurimit si dhe publikuar në Buletinin e Njoftimeve Publike nr. 22, datë 30.03.2026, ku është shpallur fitues subjekti BOE AEG-Consulting shpk & ZENIT&CO shpk.

I.5. Në datën 30.03.2026 nëpërmjetë sistemit të ankesave elektronike pranë Komisionit të Prokurimit Publik, është administruar ankesa me nr. Elektronik A/2026/6460 dhe me nr. 959/2026 prot, datë 30.03.2026 e operatorit ekonomik “G B Civil Engineering” SHPK, për procedurën e prokurimit të sipërcituar. Nga shqyrtimi paraparak i ankesës të sipërcituar, u konstatua se objekti i ankesës lidhet me vendimmarrjen e Komisionit të Vlerësimit të

Ofertave mbi skualifikimin e ofertës së paraqitur nga operatori ekonomik “GB Civil Engineering” SHPK, në procedurën e mësipërme të prokurimit.

I.6. Në përputhje me nenin 112 “Veprimet paraprake” të ligjit nr.162/2020 “Për Prokurimin Publik”, i ndryshuar, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit nr. 959/1 prot, datë 31.03.2026.

I.7. Nëpërmjet sistemit elektronik të ankesave (SAE), është dërguar nga autoriteti kontraktor, Vendimi i Komisionit të Shqyrtimit të Ankesave me nr. 731/5 prot, datë 07.04.2026, protokolluar me tonën me nr. 959/2 prot., datë 07.04.2026, me objekt: “*Informacion*”, lidhur me trajtimin e ankesës së operatorit ekonomik “GB Civil Engineering” SHPK, mbi procedurën e mësipërme të prokurimit. Referuar vendimit të KSHA-së, rezulton se, kjo e fundit **e ka refuzuar**.

I.8. Nëpërmjet shërbimit postar, me shkresën përcjellëse me nr. 731/5 prot, datë 07.04.2026, protokolluar me tonën me nr. 959/3 prot., datë 09.04.2026, me objekt: “*Dërgim vendimi*”, është përcjellë nga autoriteti kontraktor Vendimi i Komisioni i Shqyrtimit të Ankesave, lidhur me trajtimin e ankesës së operatorit ekonomik “GB Civil Engineering” SHPK, mbi procedurën e mësipërme të prokurimit. Referuar vendimit të KSHA-së, rezulton se, kjo e fundit **e ka refuzuar**.

I.9. Me shkresën me nr. 959/4 prot., datë 10.04.2026, Komisioni i Prokurimit Publik iu drejtua autoritetit kontraktor Bashkisë Kavajë, informacion të detajuar mbi procesverbalin e përllogaritjes së fondit limit të projektit të zbatimit me objekt “*Ndertimi i Ura Mamzotaj*”, (bashkë me preventivin e punimeve), referuar të cilit, autoriteti juaj kontraktor ka përllogaritur fondin limit të procedurës së prokurimit “*E hapur, e thjeshtuar*”, me Nr. REF-78133-03-04-2026, me objekt: “*Mbikqyrja e punimeve te ndertimit me objekt Ndertimi i Ura Mamzotaj*” me fond limit: 1,420,675.60 lekë pa TVSH, zhvilluar në datën 17.03.2026 nga autoriteti kontraktor, Bashkia Kavajë, dhe informacion të detajuar mbi procesverbalin e përllogaritjes së fondit limit të procedurës “*Mbikqyrja e punimeve te ndertimit me objekt Ndertimi i Ura Mamzotaj*”.

I.10. Nëpërmjet shërbimit postar, me shkresën me nr. 731/7 prot, datë 16.04.2026, protokolluar me tonën me nr. 959/5 prot., datë 20.04.2026, me objekt: “*Kthim përgjigje*”, është përcjellë nga autoriteti kontraktor informacioni i kërkuar.

I.11. Për shkak të specifikës së kësaj procedure prokurimi, Komisioni i Prokurimit Publik për gjykimin sa më të drejtë të ankesës së operatorit ekonomik ankimues, vendos të thërrasë ekspertin e fushës për të verifikuar nëse përllogaritja e fondit limit të procedurës së prokurimit objekt-ankimi është bërë konform bazës ligjore të përcaktuar, e më konkretisht

Vendimit të Këshillit të Ministrave nr. 354 datë 11.05.2016 “Për miratimin e manualit të tarifave për shërbimet në planifikim territori, projektim, mbikëqyrje dhe kolaudim”.

I.12. Eksperti zgjidhet nga lista vjetore e ekspertëve të miratuar në përputhje me nenin 24 të Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik. Nga lista e ekspertëve të pavarur të KPP-së me nr. 3559/3 prot., datë 16.12.2025, Vendimi nr.1870/2025 me objekt “Për miratimin e listës së ekspertëve, specialistëve të pavarur dhe laboratorëve të akredituar për vitin 2026”. Eksperti i parë në rend alfabetik, i cili referuar dokumentacionit zotëron kualifikimet e kërkuara për kryerjen e ekspertizës, është Ekspertia Znj.Arta Tani, e cila u kontaktua për t’u paraqitur pranë Komisionit të Prokurimit Publik.

I.13. Ekspertia Znj.Arta Tani, e cila do të asistojë Komisionin e Prokurimit Publik, në zgjidhjen e çështjes objekt-ankimi. Ekspertia pranon, se është e specializuar për përlllogaritjen e kostove për shërbimet në planifikim territori, projektim, mbikëqyrje dhe kolaudim dhe përcaktoi tarifën prej 115,000 (njëqind e pesëmbëdhjetë mijë) lekë për kryerjen e ekspertizës. Pas paraqitjes së saj, në ambjentet e Komisionit të Prokurimit Publik u dakortësua asistenca e saj, në zgjidhjen e çështjes objekt-ankimi, sipas procesverbalit të datës 07.05.2026. Gjithashtu, Ekspertia pranon se për kryerjen e ekspertizës i nevojiten 7 (shtatë) ditë kohë nga marrja e dokumentacionit.

II

Referuar informacionit dhe dokumentacionit sa më sipër, Komisioni i Prokurimit Publik

Arsyeton:

II.1. Referuar pretendimeve të parashtruara nga ankimuesi në ankesë, KPP konstaton, se për sqarimin e fakteve dhe pretendimeve të operatorit ekonomik ankimues, kërkohen njohuri të posaçme teknike nga ekspertë të specializuar për përlllogaritjen e kostove për shërbimet në planifikim territori, projektim, mbikëqyrje dhe kolaudim, nëse përlllogaritja e fondit limit për procedurën e prokurimit objekt-ankimi është përlllogaritur saktë nga autoriteti kontraktor në përputhje me VKM nr. 354 datë 11.05.2016 “Për miratimin e manualit të tarifave për shërbimet në planifikim territori, projektim, mbikëqyrje dhe kolaudim”.

Në këto kushte, KPP për një gjykim të drejtë dhe transparent të ankesës, vlerëson të kryhet veprimi procedural i ekspertimit të posaçëm nga një ekspert i fushës.

II.2. Në nenin 24 të Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik, parashikohet se:

- 1. Nëse gjatë shqyrtimit paraprak të ankesës Komisioni vlerëson, se për sqarimin e fakteve kërkohen njohuri të posaçme në fushat e shkencës, teknikës, teknologjisë***

ose artit, Komisioni mund të urdhërojë marrjen e mendimit të ekspertëve ose kryerjen e ekspertizës në laboratorë të specializuar.

2. *Ekspertët përzgjidhen nga lista vjetore e ekspertëve të miratuar. Në rast se për shqyrtimin e çështjes kërkohet ekspertizë e posaçme dhe nuk disponohet asnjë ekspert i fushës për të cilën nevojitet ekspertizë në listën e miratuar, mund të kërkohen rast pas rasti ekspertë të pavarur nga institucione të arsimit të lartë ose struktura të tjera të posaçme.*
3. *Komisioni njofton palët në proces për vendimin e ekspertimit, shpenzimet procedurale dhe datën e zhvillimit të seancës.*

II.3. Në nenin 25 të Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik, parashikohet se: “Kur Komisioni, në procesin e shqyrtimit të një ankese, urdhëron thirrjen e specialistëve ose të ekspertëve dhe kryerjen e ekspertizës, duhet të përcaktojë detyrimin e palëve për parapagimin e tyre dhe afatin.”. Konkretisht, Komisioni iu referuar Vendimit Nr.1870/2025 datë 16.12.2025 me objekt: “Për miratimin e listës së ekspertëve, specialistëve të pavarur dhe laboratorëve të akredituar për vitin 2026.

II.4. Nga lista e ekspertëve të pavarur të KPP-së me nr. 3559/3 prot., datë 16.12.2025 Vendimi nr.1870/2025 me objekt “Për miratimin e listës së ekspertëve, specialistëve të pavarur dhe laboratorëve të akredituar për vitin 2026”, u kontaktua me Eksperten Znj. Arta Tani, për t’u paraqitur pranë Komisionit të Prokurimit Publik. Pas paraqitjes së saj, në ambientet e Komisionit të Prokurimit Publik u dakortësua asistenca e saj, në zgjidhjen e çështjes objekt-ankimi. Ekspertia pranon, se është i specializuar për përllogaritjen e kostove për shërbimet në planifikim territori, projektim, mbikqyrje dhe kolaudim dhe përcaktoi tarifën prej 115,000 (njëqind e pesëmbëdhjetë mijë) lekë për kryerjen e ekspertizës. Pas paraqitjes së saj, në ambientet e Komisionit të Prokurimit Publik u dakortësua asistenca e saj, në zgjidhjen e çështjes objekt-ankimi, sipas procesverbalit të datës 07.05.2026. Gjithashtu Ekspertia pranon se, për kryerjen e ekspertizës i nevojiten 7 (shtatë) ditë kohë nga marrja e dokumentacionit.

Referuar sa më sipër në mbështetje të ligjit nr. 162/2020 “Për Prokurimin Publik, i ndryshuar Ligji nr.44/2015 “Kodi i Procedurave Administrative i Republikës së Shqipërisë”, Ligji Nr. 8116, datë 29.3.1996 “Kodi i Procedurës Civile i Republikës së Shqipërisë”, nenit 24 të Vendimit të Komisionit të Prokurimit Publik nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, Komisioni i Prokurimit Publik, njëzëri

Vendos:

1. Të urdhërojë kryerjen e Ekspertimit të Posaçëm lidhur me përllogaritjen në vlerën minimale dhe maksimale të fondit limit, nga eksperti i përzgjedhur nga lista e ekspertëve vjetorë të miratuar për procedurën e prokurimit “E hapur, e thjeshtuar”, me Nr. REF-78133-03-04-2026, me objekt “Mbikqyrja e punimeve të ndertimit me

- objekt Ndertimi i Ura Mamzotaj” me fond limit: 1,420,675.60 (një million e katërqind e njëzetë mijë e gjashtëqind e shtatëdhjetë e pesë presje gjashtëdhjetë) lekë pa TVSH, zhvilluar në datën 17.03.2026 nga autoriteti kontraktor, Bashkia Kavajë.
2. Operatori ekonomik “G B Civil Engineering” SHPK të parapaguajë për llogari të Ekspertes znj. Arta Tani, shumën prej 115,000 (njëqind e pesëmbëdhjetë mijë) lekë, si tarifë e përcaktuar për kryerjen e ekspertimit dhe të verë në dijeni Komisionin e Prokurimit Publik, së bashku me kopje të faturës financiare të parapagimit brenda datës 15.05.2026, ora 11:00.
 3. Autoriteti kontraktor dhe operatori ekonomik ankimues “G B Civil Engineering” SHPK të paraqesin pretendimet e tyre me shkrim mbi çështjet që duhet të trajtohen nga Ekspertia brenda datës 15.05.2026.
 4. Në datën 18.05.2026 ora 11:00 të paraqitet pranë Komisionit të Prokurimit Publik Ekspertia znj. Arta Tani, për marrjen në dorëzim të dokumentacionit të nevojshëm për kryerjen e ekspertizës.
 5. Ekspertia ngarkohet të kryejë aktin e ekspertimit dhe të dorëzojë materialin në formë shkresore. Akti i ekspertimit të dorëzohet jo më vonë se data 28.05.2026.
- Ky vendim hyn në fuqi menjëherë.

KOMISIONI I PROKURIMIT PUBLIK

Anëtare
Anila Malaj

Anëtar
Kreshnik Ternova

Nënkryetar
Fiorent Zguro

